



**ZAPISNIK O RADU OSME SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 03.09.2021. GODINE**

Broj: 01-GV-02-944/21
Sarajevo, 03.09.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Muamer Mekić, predsjedavajući Kluba gradskih vijećnika Socijaldemokratske partije BiH
6. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
7. Enisa Spahić, predsjedavajuća Kluba gradskih vijećnica „Demokratska fronta-Enisa Spahić“
8. Bajro Biber, predsjedavajući Kluba gradskih vijećnika „USD-BOSS“
9. Jasmin Skorupan, zamjenik predsjedavajuće Kluba gradskih vijećnika „Korora/Skorupan“
10. Mila Eminović Rizvanović, sekretar Gradskog vijeća

Odsutni: Dragan Stevanović, zamjenik predsjedavajućeg Gradskog vijeća, Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“ i Adi Škaljić, predsjedavajući Kluba gradskih vijećnika Naše stranke

Sjednici prisustvovala Anja Margetić, zamjenica Gradonačelnice.

Sjednici, po ovlaštenju Gradonačelnice, prisustvovala:

- Aida Bajramović, šef Odsjeka za kabinetske poslove u Stručnoj službi Gradonačelnice Grada Sarajeva

Sjednici prisustvovao Sanjin Smajlović, pravobranilac Grada Sarajeva

Ispred Gradske službe za Gradsko vijeće sjednici prisustvovale:

- Mirjana Đanović Stanić, rukovodilac Stručne službe Gradskog vijeća Grada Sarajeva
- Zinaida Beširević, šef Odjeljenja za stručne poslove u Stručnoj službi Gradskog vijeća Grada Sarajeva

Jasmin Ademović, predsjedavajući Gradskog vijeća, je otvorio sjednicu i pozdravio prisutne, te konstatovao kvorum za punovažan rad i odlučivanje.

Na prijedlog Jasmin Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, **je usvojio** Zapisnik o radu Sedme sjednice Kolegija Gradskog vijeća, održane 26.07.2021. godine.



Na prijedlog Jasmina Ademovića, predsjedavajućeg Gradskog vijeća, **jednoglasno je usvojen dnevni red Osme sjednice Kolegija Gradskog vijeća:**

1. Priprema za održavanje Šeste sjednice Gradskog vijeća Grada Sarajeva
2. Priprema za održavanje Svečane sjednice Gradskog vijeća Grada Sarajeva u povodu Dana Grada Sarajeva
3. Tekuća pitanja

Ad1)

Priprema za održavanje Šeste sjednice Gradskog vijeća Grada Sarajeva

Jasmin Ademović, predsjedavajući Gradskog vijeća, je podsjetio članove Kolegija da je na prošloj, Sedmoj sjednici Kolegija Gradskog vijeća dogovoreno da će se detaljne pripreme za Šestu sjednicu Gradskog vijeća izvršiti na sjednici Kolegija početkom septembra, kao i da su već tada istaknute teme koje bi se, u skladu s Programom rada Gradskog vijeća Grada Sarajeva za 2021. godinu, trebale naći na Šestoj sjednici Gradskog vijeća.

Također je istako da je cilj bio da danas znamo koji su materijali spremni za razmatranje na Šestoj sjednici Gradskog vijeća, da li imamo materijale koji su bili programirani, a nisu razmatrani ranije, a da su se sada stekli uvjeti za razmatranje, te da vidimo da li postoje neprogramirani materijali koji će se uvrstiti od strane ovlaštenog predlagača.

Termin održavanja Šeste sjednice i dinamika aktivnosti u pripremi Šeste sjednice Gradskog vijeća

Jasmin Ademović, predsjedavajući Gradskog vijeća, je podsjetio da je na prošloj, Sedmoj sjednici Kolegija Gradskog vijeća usvojen zaključak da će se prema ranije usvojenoj Dinamici održavanja sjednica, Šesta sjednica Gradskog vijeća održati u srijedu 29.09.2021. godine sa početkom u 10.00h u Vijećnici.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća je **jednoglasno** usvojio sljedeći **zaključak:**

- Šesta sjednica Gradskog vijeća će se održati u **srijedu 29.09.2021. godine** u Vijećnici sa početkom u **10,00 h;**
- Predlagači će materijale dostaviti Predsjedavajućem najkasnije u **utorak 07.09.2021. godine;**
- Pozivi za sjednice radnih tijela bit će upućeni **najkasnije do srijede 08.09.2021. godine;**
- Sjednice radnih tijela će se održavati **počev od četvrtka 09.09.2021. godine;**
- Pozivi gradskim vijećnicima za Šestu sjednicu Gradskog vijeća će se uputiti **najkasnije u utorak 21.09.2021. godine.**

Zatim je zamolio nadležne službe da u komunikaciji sa Televizijom Sarajevo osiguraju direktan prijenos Šeste sjednice Gradskog vijeća.

Jasmin Ademović, predsjedavajući Gradskog vijeća, je uputio apel predlagačima da materijali koji se predlažu za razmatranje na Šestoj sjednici Gradskog vijeća moraju biti dostavljeni Gradskom vijeću u skladu sa dinamikom koju je Kolegij Gradskog vijeća upravo usvojio u formi zaključka.

Izrazio je nadu da je prevaziđeno početno uhodavanje istaknuvši da su službe kapacitirane, materijali programirani, te da nema zapreka da se ova i sve buduće sjednice Gradskog vijeća održavaju u rokovima propisanim Poslovníkom Gradskog vijeća Grada Sarajeva i u utvrđenoj dinamici.

b) Praćenje realizacije Programa rada Gradskog vijeća Grada Sarajeva

Jasmin Ademović, predsjedavajući Gradskog vijeća, je podsjetio članove Kolegija da su na prošloj sjednici Kolegija dobili informacije da bi prijedlog dnevnog reda Šeste sjednice Gradskog vijeće mogao glasiti:

1. Prijedlog Odluke o izmjenama i dopunama Odluke o upotrebi grba, imena i isticanju zastave Grada Sarajeva
2. Prijedlog Odluke o usvajanju Regulacionog plana „Reljevo“ sa Odlukom o provođenju Regulacionog plana „Reljevo“
3. Informacija o poduzetim aktivnostima na sanaciji mosta „Ars Aevi“ i stvaranja pretpostavki za njegovo trajno održavanje, uključujući videonadzor
4. Informacija o stavljanju u funkciju raspoloživih sredstava za nastavak projekta izgradnje Muzeja savremene umjetnosti „Ars Aevi“
5. Informacija o detekciji zagađivača rijeke Miljacke na području grada
6. Nacrt Odluke o uslovima i načinu dodjele „Šestoaprilske nagrade Grada Sarajeva“
7. Nacrt Odluke o kriterijima i načinu sticanja statusa udruženja i fondacija od posebnog značaja za Grad Sarajevo
8. Informacija o realizaciji projekta Smart City
9. Informacija o izvršenju Budžeta Grada Sarajeva za period od 01.01.-30.06.2021. godine
10. Prijedlog Odluke o davanju saglasnosti na Program aktivnosti za Dan obilježavanja opsade Sarajeva 1992.-1995.
11. Prijedlog Politike Grada Sarajeva za mandatni period
12. Prijedlog Plana rada Grada Sarajeva za 2021. godinu
13. Prijedlog Odluke o usvajanju Izmjena i dopuna Budžeta Grada Sarajeva za 2021. godinu
14. Vijećnička pitanja i inicijative

Zatim je pozvao Aidu Bajramović, ovlaštenu državnu službenicu, da upozna članove Kolegija Gradskog vijeća da li su najavljeni materijali spremni, te ukoliko nisu da obrazloži zašto, da li postoje materijali koji su programirani, a nisu razmatrani ili materijali koji su definisani Programom rada Gradskog vijeća Grada Sarajeva za 2021. godinu, a nije im definisan rok, ali su se stekli uvjeti za njihovo razmatranje.

Aida Bajramović je upoznala članove Kolegija Gradskog vijeća o sljedećem:

Prijedlog Odluke o izmjenama i dopunama Odluke o upotrebi grba, imena i isticanju zastave Grada Sarajeva **nije spreman** i neće biti će uvršten u prijedlog dnevnog reda Šeste sjednice Gradskog vijeće, uz obrazloženje da je Odluka uvrštena u Program rada Gradskog vijeća za 2021. godinu, odnosno Izmjene i dopune Programa rada, na prijedlog Odbora za lokalni biznis i turizam, a ista bi trebala sadržavati kriterije za određivanje visine naknade, odnosno oslobađanje od obaveze plaćanja naknade.

U svom mišljenju na naprijed programiranu temu Gradska služba za opću upravu i zajedničke poslove predlaže da se ne pristupa izradi izmjena i dopuna predmetne Odluke, obzirom da su odredbom člana 17. i člana 18. Odluke precizno i detaljno propisani kriteriji na osnovu kojih se određuje visina naknade za upotrebu imena ili grba Grada Sarajeva, odnosno slučajevi u kojima se može izvršiti oslobađanje od plaćanja naknade.

Po ovom osnovu u Budžetu Grada Sarajeva se ostvaruju prihodi, pa je tako u 2020. godini ukupan prihod po ovom osnovu bio 95.700,00 KM, a do juna mjeseca ove godine taj prihod je iznosio 43.880,00 KM.

Prijedlog Odluke o usvajanju Regulacionog plana „Reljevo“ sa Odlukom o provođenju Regulacionog plana „Reljevo“ **nije spreman** i neće biti uvršten u prijedlog dnevnog reda Šeste sjednice Gradskog vijeće, uz obrazloženje da ovaj materijal ne može biti pripremljen za septembarsku sjednicu Gradskog vijeća iz razloga što Prijedlog Regulacionog plana još uvijek nije dostavljen od strane Zavoda za planiranje razvoja Kantona Sarajevo. Prema informacijama koje su dobivene iz Zavoda za planiranje razvoja Kantona Sarajevo, još uvijek nije završena faza Plana: „Snabdijevanje vodom i odvodnja otpadnih i oborinskih voda“, na koju KJKP „Vodovod i kanalizacija“ treba dati saglasnost. Čim se ispune sve neophodne pretpostavke materijal će biti dostavljen Gradskom vijeću na razmatranje.

Informacija o poduzetim aktivnostima na sanaciji mosta „Ars Aevi“ i stvaranja pretpostavki za njegovo trajno održavanje, uključujući videonadzor **nije spremna** i neće biti uvrštena u prijedlog dnevnog reda Šeste sjednice Gradskog vijeće, uz obrazloženje da je Grad Sarajevo 2016. godine naručio od Instituta „Ipsa“ Izvještaj o glavnom pregledu stanja mosta Ars Aevi kojim su date preporuke u smislu održavanja mosta. Po mišljenju Gradske službe za investicije, stambene i komunalne poslove za davanje kompletne informacije o aktivnostima na sanaciji i održavanju mosta, potrebne su konsultacije sa Pravobranilaštvom Grada Sarajeva iz razloga što je za realizaciju pomenutih aktivnosti potrebno provesti postupak proglašenja ovog mosta mostom od značaja za Grad Sarajevo. Zbog navedenog predloženo je da se ova informacija razmatra na oktobarskoj sjednici Gradskog vijeća.

Informacija o stavljanju u funkciju raspoloživih sredstava za nastavak projekta izgradnje Muzeja savremene umjetnosti „Ars Aevi“, **je spremna** i bit će uvrštena u prijedlog dnevnog reda Šeste sjednice Gradskog vijeće.

Informacija o detekciji zagađivača rijeke Miljacke na području grada prema **nije spremana** i neće biti uvrštena u prijedlog dnevnog reda Šeste sjednice Gradskog vijeće.

Nacrt Odluke o uslovima i načinu dodjele „Šestoaprilске nagrade Grada Sarajeva“ **je spreman** i bit će uvršten u prijedlog dnevnog reda Šeste sjednice Gradskog vijeće.

Nacrt Odluke o kriterijima i načinu sticanja statusa udruženja i fondacija od posebnog značaja za Grad Sarajevo **je spreman** i bit će uvršten u prijedlog dnevnog reda Šeste sjednice Gradskog vijeće.

Informacija o realizaciji projekta Smart City **je spremna** i bit će uvršten u prijedlog dnevnog reda Šeste sjednice Gradskog vijeće.

Informacija o izvršenju Budžeta Grada Sarajeva za period od 01.01. do 30.06.2021. godine **je spremna** i bit će uvrštena u prijedlog dnevnog reda Šeste sjednice Gradskog vijeće,

Prijedlog Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. **je spreman** i bit će uvršten u prijedlog dnevnog reda Šeste sjednice Gradskog vijeće.

Prijedlog Politike Grada Sarajeva za mandatni period **nije spreman** i neće biti uvršten u prijedlog dnevnog reda Šeste sjednice Gradskog vijeće, uz obrazloženje da je izrada u toku, ali se još uvijek nisu stekli uslovi za konačnu finalizaciju ovog materijala i njegovo upućivanje Gradskom vijeću. Za očekivati je da će ovaj materijal biti pripremljen za oktobarsku sjednicu Gradskog vijeća.

Prijedlog Plana rada Grada Sarajeva za 2021. godinu **je spreman** i bit će uvršten u prijedlog dnevnog reda Šeste sjednice Gradskog vijeće.

Prijedlog Odluke o usvajanju Izmjena i dopuna Budžeta Grada Sarajeva za 2021. godinu **nije spreman** i neće biti uvršten u prijedlog dnevnog reda Šeste sjednice Gradskog vijeća, uz obrazloženje da u ovom momentu, ne postoje pretpostavke za ozbiljnu pripremu materijala ove vrste i sadržane. Razlozi za prethodno su specifični uslovi u kojima radi Gradska uprava, konkretno Gradska služba finansija, u kojoj je u prethodnom periodu bilo evidentno odsustvo uposlenih, pa i rukovodnog državnog službenika, po različitim osnovama (bolovanje, godišnji odmori, i slično). U ovoj službi došlo je i do određenih promjena u pogledu konkretnih izvršilaca i postavljenja uposlenih na druga radna mjesta u odnosu na poslove i radne zadatke koje su do sada obavljali. Uzevši u obzir naprijed navedeno, Izmjene i dopune Budžeta će se pripremiti po sticanju svih uslova za sačinjavanje istih.

Aida Bajramović je upoznala članove Kolegija Gradskog vijeća da je izrada Nacrt Strategije razvoja Grada Sarajeva 2021.-2027. godine u toku i u određenoj fazi postupka, te će se po finalizaciji svih aktivnosti na izradi, Nacrt Strategije uputiti Gradskom vijeću na razmatranje, najvjerovatnije u oktobru mjesecu.

Također je upoznala članove Kolegija Gradskog vijeća da će Gradonačelnica za Šestu sjednicu Gradskog vijeća, kao ovlašteni predlagач, predložiti i sljedeće materijale:

- Informacija o okončanoj proceduri imenovanja predsjednika i članova Upravnog i Nadzornog Odbora Javne ustanove „Gradski muzeji“ bit će predložena u skladu sa zaključkom sa Sedme sjednice Kolegija Gradskog vijeća održane 26.07.2021. godine, kojim je zatraženo da Gradonačelnice po imenovanja predsjednika i članova Upravnog i Nadzornog odbora Javne ustanove „Gradsko muzeji“ o istom informiše Gradsko vijeće
- Nacrt Odluke o podizanju spomen obilježja Kazani

Aida Bajramović je upoznala članove Kolegija Gradskog vijeća da je u prethodnom periodu Grad Sarajevo objavio konkurs za javnu nabavku idejnog rješenja spomen-obilježja u formi spomeničkog kompleksa. Po provedenoj proceduri, Komisija koja je brojala 11 članova, a činili su je ugledni arhitekti kao vanjski saradnici i uposlenici Gradske uprave, dala je preporuku za poništenje postupka, te je konkurs i poništen.

Zbog postojanja Programa o podizanju spomenika za 2021. godinu koji podrazumijeva podizanje spomen obilježja Kazani, a kako bi se isti i ispoštovao, kao i zbog razloga što bi ponovljeni postupak objavljivanja konkursa na način kako je ranije učinjeno podrazumijevao jako dug vremenski period što bi rezultiralo odlaganjem realizacije ovog projekta, odlučeno je da se na ovom lokalitetu podigne spomen obilježje u formi spomen ploče. Na ovaj način bi se ova lokalitet obilježio na adekvatan i primjeren način što bi u konačnici značilo i konačnu realizaciju ovog dijela Programa o podizanju spomenika.

Nakon detaljne analize došlo se do zaključka da bi svako drugo rješenje, kao što je varijanta podizanja spomeničkog kompleksa, značila i relativno dug period realizacije i potrebu pribavljanja urbanističke dozvole i odobrenja za građenje, što dodatno komplikuje ovaj proces. Zato je spomen obilježje u formi spomen ploče jednostavnije rješenje i jednostavniji postupak, a ispunjava svrhu obilježavanja ovog mjesta stradanja.

Prijedlozi odluka o dodjeli u zakup garaže/poslovnih prostora u vlasništvu Grada Sarajeva:

- a) Prijedlog Odluke o dodjeli u zakup garaže u ulici Dejzina Bikića broj E2 (broj garaže 19)
- b) Prijedlog Odluke o dodjeli u zakup poslovnog prostora u ulici Dejzina Bikića 4, ulaz 2
- c) Prijedlog Odluke o dodjeli u zakup poslovnog prostora u ulici Dejzina Bikića 4, ulaz 3

Aida Bajramović je obrazložila da su ovi materijali pripremljeni po osnovu već provedenih postupaka dodjele u zakup poslovnih prostorija i garaža Grada Sarajeva koji se nalaze u naselju Šip, Općina Centar (2 poslovna prostora i 4 garaže), a sve shodno Odluci o dodjeli u zakup poslovnih zgrada i prostorija Grada Sarajeva iz 2020. godine.

Gradsko vijeće Grada Sarajeva je svojom Odlukom od 30.11.2020. godine imenovalo Komisiju sa osnovnim zadatkom provođenja postupka dodjele u zakup prostora i garaža.

Predmet oglašavanja bilo je ukupno 6 nekretnina (iako je Odlukom o pokretanju postupka bilo predviđeno 7 – 2 poslovna prostora i 5 garaža, jedna garaža nije mogla biti predmetom oglašavanja obzirom da je tom momentu bila predmetom sudskog izvršnog postupka).

Za dvije nekretnine nije bilo pristiglih ponuda, dok je za 3, koje su predmetom razmatranja i odlučivanja, bilo pristiglih ponuda.

Prijedlog Odluke o uspostavljanju saradnje između Grada Sarajeva i Grada Zuricha

Aida Bjramović je obrazložila da je između Grada Zuricha i Grada Sarajeva 19.12.2017. godine potpisan „Memorandum o razumijevanju“. Obzirom da je ovaj memorandum bio na snazi 3 godine, na sastanku predstavnika Grada Sarajeva sa švicarskom delegacijom, održanom 01.07.2021.godine, dogovoreno je da se obnovi saradnja potpisivanjem predloženog Memoraduma.

Zahvaljujući ovoj saradnji omogućit će se nesmetana realizacija „Projekta urbane transformacije Sarajeva“, a radi se o četverogodišnjem projektu (2021-2025) kojeg finansira i strateški vodi Švicarski državni sekretarijat za ekonomske poslove.

Informacija o okončanom postupku prodaje službenih vozila u vlasništvu Grada Sarajeva

Aida Bajramović je obrazložila da je Gradonačelnica, postupajući u skladu sa odredbama Odluke o pokretanju postupka prodaje službenih vozila u vlasništvu Grada Sarajeva („Službene novine Kantona Sarajeva“, broj 24/21) i ovlaštenju datom od strane Gradskog vijeća, pokrenula je i okončala postupak prodaje službenih vozila.

Jasmin Ademović, predsjedavajući Gradskog vijeća je postavio pitanje da li je Gradonačelnica morala probaviti saglasnost Gradskog vijeća za ugovor o kupoprodaji službenih automobila.

Aida Bajramović je odgovorila da je u članu 3. Odluke o pokretanju postupka prodaje službenih putničkih vozila u vlasništvu Grada Sarajeva propisano da se ovlašćuje Gradonačelnica da putem nadležne službe pripremi i provede postupak, te da nije postojala obaveza Gradonačelnice da dostavi Gradskom vijeću ugovor o kupoprodaji.

Član Kolegija Vedad Deljković je predložio da se Kolegij Gradskog vijeća opredijeli za usvajanje zaključka kojim bi se zatražilo od Zavoda za planiranje razvoja Kantona Sarajeva da poštuje rokove utvrđene za izradu prostorno-planske dokumentacije.

Jasmin Ademović, predsjedavajući Gradskog vijeća, je rekao da će, pod tačkom tekuća pitanja, predložiti tekst zaključak na usvajanje članovima Kolegija Gradskog vijeća.

Član Kolegija Muamer Mekić je predložio da se u dnevni red Šeste sjednice Gradskog vijeća uvrste dvije tačke i to:

1. Prijedlog Odluke o dopuni Odluke o imenovanju vršioca dužnosti predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), na period od 3 (tri) mjeseca,
2. Izvještaj o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću za 2020. godinu

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, većinom glasova, izjasnivši se sa osam glasova „za“ i dva „suzdržana“ glasa, usvojio je sljedeći **zaključak**:

Kolegij Gradskog vijeća Grada Sarajeva traži da Skupština JP „Sarajevo“ d.o.o. Sarajevo, kao ovlašteni predlagač, **do utorka 07.09.2021. godine** dostavi predsjedavajućem Gradskog vijeća Grada Sarajeva Izvještaj o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću za 2020. godinu kako bi se isti uvrstio na dnevni red Šeste sjednice Gradskog vijeća, koja će se održati 29.09.2021. godine.

Sanjin Smajlović, pravobranilac Grada Sarajeva, predložio je da se u dnevni red Šeste sjednice Kolegija Gradskog vijeća uvrste dvije teme, i to:

1. Prijedlog Odluke o izmjeni Odluke o osnivanju Pravobranilaštva Grada Sarajeva
2. Prijedloga Odluke o davanju saglasnosti na Pravilnik o izmjenama Pravilnika o unutrašnjoj organizaciji Pravobranilaštva Grada Sarajeva

Zatim je obrazložio da se navedenim aktima predlaže povećanje broja zamjenika pravobranioca sa jednog na dva, obzirom da je došlo do brojčanog povećanja svih vrsta predmeta koji spadaju u nadležnost Pravobranilaštva, te da je Pravobranilaštvo preuzelo i zastupanje u sudskim prekršajnim postupcima kod Općinskog suda u Sarajevu, te da bi predloženim izmjenama Pravilnika Pravobranilaštvo Grada Sarajeva bilo dodatno kapacitirano, što bi omogućilo efikasnije izvršavanje zadataka na zaštiti imovine i imovinskih interesa Grada Sarajeva.

Član Kolegija Toni Vukadin izrazio je nezadovoljstvo realizacijom Programa rada Gradskog vijeća Grada Sarajeva za 2021. godinu, obzirom da za Šestu sjednicu Gradskog vijeća od trinaest programiranih materijala šest nije spremno, te insistirao da Gradonačelnica, za naredne sjednice Gradskog vijeća, predlaže materijale koji su planirani Programom rada Gradskog vijeća Grada Sarajeva za 2021. godinu.

Zatim je obavijestio predsjedavajućeg Gradskog vijeća da mora napustiti sjednicu Kolegija Gradskog vijeća, radi ranije preuzetih obaveza.

Mirela Džehverović, zamjenica predsjedavajućeg Gradskog vijeća je, također, izrazila nezadovoljstvo realizacijom Programa rada Gradskog vijeća Grada Sarajeva za 2021. godinu, posebno time što Prijedlog Odluke o izmjenama i dopuna Budžeta Grada Sarajeva za 2021. godinu nije pripremljen u planiranom roku, te insistirala da se Prijedlog Odluke o izmjenama i dopuna Budžeta Grada Sarajeva za 2021. godinu pripremi radi razmatranja na sjednici Gradskog vijeća.

Nakon rasprave, na prijedlog predsjedavajućeg Gradskog vijeća, Kolegij Gradskog vijeća, izjasnivši se sa sedam glasova „za“, jednim glasom „protiv“ i jednim „suzdržanim“ glasom usvojio je sljedeći **zaključak**:

Kolegij Gradskog vijeća Grada Sarajeva traži da Gradonačelnica, kao ovlašteni predlagač, pristupi izradi Prijedloga Odluke o usvajanju izmjena i dopuna Budžeta Grada Sarajeva za 2021. godinu, te isti dostavi predsjedavajućem Gradskog vijeća Grada Sarajeva kako bi se uvrstio na dnevni red Sedme sjednice Gradskog vijeća, koja će se održati u oktobru mjesecu.

Nakon rasprave, Jasmin Ademović, predsjedavajući Gradskog vijeća, je konstatovao da bi, prema iznesenim informacijama od strane Aide Bajramović, mogući prijedlog dnevnog reda Šeste sjednici Gradskog vijeća glasio:

1. Informacija o stavljanju u funkciju raspoloživih sredstava za nastavak projekta izgradnje muzeja savremene umjetnosti „Ars aevi“;
2. Nacrt Odluke o uslovima i načinu dodjele „Šestoaprilske nagrade Grada Sarajeva“;
3. Nacrt Odluke o kriterijima i načinu sticanja statusa udruženja i fondacija od posebnog značaja za Grad Sarajevo;
4. Informacija o realizaciji projekta Smart city;
5. Informacija o izvršenju Budžeta Grada Sarajeva za period 01.01.- 30.06.2021. godine ;
6. Prijedlog Odluke o davanju saglasnosti na program aktivnosti za Dan obilježavanja opsade Sarajeva 1992.-1995.;
7. Prijedlog Plana rada Grada Sarajeva za 2021. godinu;
8. Prijedlog Odluke o izmjeni Odluke o osnivanju Pravobranilaštva Grada Sarajeva;
9. Prijedlog Odluke o davanju saglasnosti na Pravilnik o izmjenama Pravilnika o unutrašnjoj organizaciji Pravobranilaštva Grada Sarajeva;
10. Izvještaj o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa grada Sarajeva „Sarajevo“ društvo sa ograničenom odgovornošću za 2020. godinu;
11. Prijedlog Odluke o dopuni Odluke o imenovanju vršioca dužnosti predsjednika i članova skupštine Javnog preduzeća za upravljanje, zaštitu i održavanje objekata grada Sarajeva i obavljanje komunalnih i drugih djelatnosti od javnog interesa grada Sarajeva (JP „Sarajevo“ d.o.o.), na period od 3 (tri) mjeseca;
12. Nacrt Odluke o podizanju spomen obilježja Kazani;
13. Prijedlog Odluke o dodjeli u zakup garaže u ulici Dejzina Bikića br. E2, broj garaže 19;
14. Prijedlog Odluke o dodjeli u zakup poslovnog prostora u ulici Dejzina Bikića br. 4, ulaz 2;
15. Prijedlog Odluke o dodjeli u zakup poslovnog prostora u ulici Dejzina Bikića br. 4, ulaz 3;
16. Prijedlog Odluke o uspostavi saradnje između Grada Sarajeva i Grada Zürich;
17. Informacija o okončanom postupku prodaje službenih vozila u vlasništvu Grada Sarajeva;
18. Informacija o okončanom postupku imenovanja Upravnog i Nadzornog odbora JU „Gradski muzeji“;
19. Vijećnička pitanja i inicijative

AD2)

Priprema za održavanje Svečane sjednice Gradskog vijeća u povodu Dana Grada Sarajeva

Jasmin Ademović, predsjedavajući Gradskog vijeća, je podsjetio članove Kolegija da je na prošloj, Sedmoj sjednici usvojen **zaključak**:

1. Termin održavanja Svečane sjednice Gradskog vijeća Grada Sarajeva **je četvrtak 07.10.2021. godine** u objektu Vijećnice, aula ili svečani salon, ili druga alternativna lokacija, u zavisnosti od epidemioloških mjera, o čemu će zajednički odlučiti Gradonačelnica i predsjedavajući Gradskog vijeća.
2. Kolegij Gradskog vijeća Grada Sarajeva konstatuje da organizaciju Svečane sjednice sjednice, protokol i nabavke provode nadležne službe sa za to predviđenih budžetskih pozicija.
3. Kolegij Gradskog vijeća Grada Sarajeva konstatuje da će Gradonačelnica, putem Stručne službe gradonačelnice Grada Sarajeva, obezbjediti Orden Grada Sarajeva, kako bi isti bili uručeni gradskim vijećnicima i funkcionerima Grada Sarajeva na Šestoj (septembarskoj) sjednici Gradskog vijeća, a koji će nositi na Svečanoj sjednici Gradskog vijeća.

Zatim je konstatovao je da je orden Grada Sarajeva dodjeljen gradskim vijećnicima na konstituirajućoj sjednici Gradskog vijeća.

Istako je da je došlo do pogoršanja epidemiološke situacije, te upoznao članove Kolegija Gradskog vijeća da je dozvoljeno okupljanje 50 ljudi u zatvorenom prostoru, što podrazumijena da će Svečanoj sjednici prisustvovati izabrani zvaničnici Grada Sarajeva, gradski vijećnici, dobitnici nagrada i priznanja, načelnici i predsjedavajući gradskih općina u sastavu Grada, premijer Kantona Sarajevo i predsjedavajući Skupštine Kantona Sarajevo, te predložio članovima Kolegija da se Svečana sjednica održi u auli Vijećnice.

Aida Bajramović je informisala članove Kolegija Gradskog vijeća da će Gradonačelnica imenovati radnu grupu za pripremu Svečane sjednice Gradskog vijeća Grada Sarajeva, te da će radnu grupu činiti: Amina Deljković, Erna Čolić, Mila Eminović Rizvanović, Mirjana Džanović Stanić, Muamer Kutlovac, Aida Bajramović, Zinaida Čengiđ i Ammar Makić.

Također je informisala članove Kolegija Gradskog vijeća da dobitnicima Šestoaprilske nagrade grada Sarajeva, kao i dobitnicima drugih priznanja i nagrada grada Sarajeva nisu isplaćene novčane nagrade, te da će se isplata izvršiti prije održavanja Svečane sjednice Gradskog vijeća.

Ad3)

Tekuća pitanja

Jasmin Ademović, predsjedavajući Gradskog vijeća, je informisao članove Kolegija da je Stručna služba Gradskog vijeća započela aktivnosti na pripremi Programa rada Gradskog vijeća Grada Sarajeva za 2022. godinu, koji će se u nacrtu razmatra na oktobarskoj sjednici Gradskog vijeća, te da je svim relevantnim subjektima upućen zahtjev da dostave prijedloge za izradu Nacrta Programa rada Gradskog vijeća Grada Sarajeva za 2022. godinu do 20.09.2021. godine, te da je potrebno da se održe i sjednice radnih tijela sa ovom tačkom dnevnog reda.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, je usvojio sljedeći **zaključak**:

1. Da se u dnevni red radnih tijela koja razmatraju materijale za pripremu Šeste sjednice Gradskog vijeća uvrsti i tačka - Prijedlozi za izradu Nacrta Programa rada Gradskog vijeća Grada Sarajeva za 2022. godinu i da se razmatra u sklopu tih zakazanih radnih tijela;
2. Da se ostala radna tijela koja će razmatrati navedenu tačku održe **počev od četvrtka 09.09.2021. godine.**

Jasmin Ademović, predsjedavajući Gradskog vijeća, je informisao članove Kolegija da je u povodu inicijative određenog broja građana upućenih Gradskom vijeću, kojima se traži da Gradsko vijeće što prije donese Regulacioni plan „Brdo Hrasno“ održao sastanak sa uposlenicima Gradske službe za urbano planiranje, investicije, stambene i komunalne poslove, kojom je prilikom upoznat da se očekuje da Gradonačelnica, kao nosilac priprema plana i ovlašteni predlagač, Gradskom vijeću dostaviti na usvajanje Prijedlog Odluke o usvajanju Regulacionog plana „Hrasno Brdo“ sa Prijedlogom Odluke o provođenju Regulacionog plana „Hrasno Brdo“ najkasnije do kraja prve polovine 2022. godine, o čemu će biti sačinjena Informacija za medije, kao i obavješteni podnosioci inicijativa.

Na prijedlog Predsjedavajući Gradskog vijeća Jasmina Ademovića, Kolegij Gradskog vijeća, jednoglasno, je usvojio sljedeći **zaključak**:

Potrebno je da se Gradonačelnica u pisanoj formi obrati Zavodu za planiranje razvoja Kantona Sarajevo kojim će tražiti od Zavoda da objektivno definira rokove za izradu prostorno-planske dokumentacije koju rade kao nosioci izrade i da se izrađuju i dostavljaju Gradu u tako definiranim rokovima, obzirom da je Grad nosilac pripreme planova, kako bi Grad mogao na temelju tako definiranih rokova usvajati materijale na Gradskom vijeću i kako ne bi dolazilo do zastoja i pritužbi građana i investitora.

Aida Bajramović informisala je članove Kolegija da Pravobraniocu Grada Sarajeva dana 09.11.2021. godine, ističe mandat, te da će se pristupit raspisivanju Javnog oglasa za izbor i imenovanje pravobranioca Grada Sarajeva, a shodno važećim zakonskim i podzakonskim aktima.

Tekst oglasa pripremit će Gradonačelnica putem Stručne službe Gradonačelnice i dostaviti Komisiji za izbor i imenovanja, koja provodi konkursnu proceduru.

Član Kolegija Srđan Srdić zatražio je da se ispoštuju odredbe Poslovnika Gradskog vijeća Grada Sarajeva koje propisuju sastav Komisije za izbor i imenovanja, te da sastav Komisije odražava sastav Gradskog vijeća.

Jasmin Ademović, predsjedavajući Gradskog vijeća, je zaključio sjednicu Kolegija Gradskog vijeća u 15 i 20 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.